



001-865

四照堂詩集卷九

鄂中古近體詩三十一首

泊舟新隄喜晤孫閻青陳俊臣

世亂逢場喜復哀，輾裘快馬半摧隄。
湖天噩夢魂初返，客邸奇詩膽未灰。
畫舫有情依舵在，征帆無恙逐雲迴。
時將拉關山久盼，狼烽靖橫劍蓬窗皓月來。

新隄正月十五夜舟中看月遲鍾雲卿不至與孫閻青陳俊臣張堅甫鄧少卿分韻得鐵字

拔鞘偶橫三尺鐵，皓月爭光電紋掣。
殺賊吳江膽氣雄，四照堂詩集卷九鄂中

霜鋒白飲天狼血，看月無端此繫舟。
深宵縱酒征魂熱，舊雨何來污戍逢。
新愁未遣潯陽別，千里征帆照火迴。
畏途偃蹇名心折，月色依依似解情。
清光一道搖孤潔，土埃歛風岍影隄。
金吾放夜隄門裂，驛吏欺人不肯來。
吟髭空老潘郎雪，興極青蓮欲上天。
詩奇賈島應橋舌，大叫憑窗古月高。
江風萬里飄瓊雪。

卽景

春水痕低野漲消，溪風穿樹晚蕭蕭。
孤村盡處疑無路，細雨披蓑人過橋。

自新隄至嘉魚縣望武昌寄彭雪琴

山城隔水曙光寒，坐鎖雙眉客思攢。
鄂陽荒日浸風瀾，飛烽促燄漫江在，
奇膽盤雲照影單。
謂史佩軒遊府，殉難孫棟臣參府適往章江。
此日營門容獻策，敢從謀火說

情殫

時擬造火鏿

簞洲驛二首

古驛荒涼落照紅，戈般斜倚大江東。
酸風苦雨簞洲夜，新鬼嗚嗚泣斷蓬。

家信年年說戰功，天涯消息負東風。
春來多少深閨夢，祇在沙場亂骨中。

金口驛寄彭雪琴

四照堂詩集

卷九 鄂中

二

去年東下金口過，戰血未冷紅懸河。
今年南歸金口返，飛烽照影迷雙眼。
昨日新隄放棹來，金口亦復圍妖獯。
楚吳餘難不可拯，澤國黯慘羣鴻哀。
羽林猛士饒奇膽，鐵衣馳突莫敢犯。
惆悵軍山隔水涯，猛蛟突獸盤深崦。
豈無虎將扼其衝，戰勝往往輕軍功。
金船銀甕不取義，披堅執銳那稱雄。
可憐新鬼埋冤地，刀戟縱橫道路中。
我亦長歎重搔首，殺機層層闖羣醜。
人誰曰指魯陽戈，君獨營開亞夫柳。
立猿綠罷舊所伏，曾從廣西貴州陸路勦賊有功
楚男兒好身手，何况縱火窮心誠。
素長用火神鏢鬼鏿皆奇兵，鄂州大任不可忽。
珍重新承主將情，謂陶問雲中丞

正月二十七夜金口驛紀事

怪石嘯風風怒號石力不敵風力驕夜來吹墮淮山椒
淮山拔地千丈高隨風飄下如鴻毛戈船輪困不得逃
猛然壓碎塗川坳鄰舟我幸無相遭咫尺震響如雷刀
天明啟窗石尙搖如山屹立舟之梢

鄂州題李鶴人廉舫蓼東詩集

將軍詩膽真豪絕三楚靈風捲瓊屑戈劍縱橫不可當
光芒萬丈搖秋雪漢江相識幾知人怒濤難洗名心熱
回首趨庭歲月深秣今慘讀西園吟

其尊人紅樵方伯
著有西園詩鈔行

世今以鄂王城外妖塵莽鸚鵡洲邊殺氣侵才人拔世

四照堂詩集

卷九 鄂中

三

遺真學供奉家風人共覺千古茫茫數替人百篇斗酒
誇奇卓捐瀆撇漩何時便鯨鯢未掃心憂煎六時晝計
多餘日萬事偷閒入短篇深功自昔諳錐鍊爐火熊熊
閃長電瘦蛟夜慘精魂飛鬼母晝啼陰雨斷大將登場
誰敢先微吟我自愧前緣悵悵梅花清影別晚風吹笛
下江天

偕彭雪琴過李鶴人小飲賦呈

鄂陽來去猶多故王事勤勞且未休劍氣夜搖孤月影
酒波狂瀉大江流千軍照水樓船靜萬帳排雲鼓角浮
古驛籌兵幾名士寸心相折有奇謀

次韻李鶴人武昌感事

紛紛黃幟竟登陴，誓死孤城負義師。
陣破羣鴉原易散，厦傾一木豈能支。
匡湓勁敵千軍在，穀鄧虛糜百姓知。
爭聽鵠峰冤鬼哭，夜深殘月上樓時。

寄懷曾滌生侍郎二首

毀廬要經離庭闈，水國興師湧義旗。
三楚奇謀歸士志，兩朝忠憤表臣威。
回天已擅東南力，握算頻參造化機。
爭看九重新寵下，黃雲分影照戎衣。

時欽賜黃馬掛

吳楚籌戎寶帳開，將軍高築受降臺。
兵從鄂渚聯鑣去，船向章門畫地來。
諸將五方收智膽，先聲千里下狂雷。

四照堂詩集卷九鄂中

四

蠡湖三月桃花水，待取征帆翦浪回。

滌翁來書云西江戰艦三月可出鄱

湖陽

白桃花次韻彭雪琴

桃源何處問漁人，破曉花迷古洞春。
影隔銀牆香欲斷，月來冰井夢難真。
天臺舊跡懷瓊雪，御苑閒愁鎖玉塵。
太息城南崔護老，倚門今日髻毛新。

寄羅伯宜

千里湓城夜飛烽，照膽涼別途真浩渺。
離緒各蒼茫，楚澤悲鴻雁。吳山犯虎狼，仲宣倚樓處。
應與悵斜陽。

遊春六首

吳矢秦弓虎帳懸萬兵移竈駐山顛巖腰一縷纏綿白
知是春雲是礮煙

古寺逢僧話殺機國初回首一嘯唏祇今細數紅羊劫
三度寃雲繞樹飛

山背沿途欲下坡野雞聲裏暮煙多閉花細草尋幽地
斷碣殘陽冷薜蘿

蠶豆花疎小麥肥過溪擬斂野人扉前村不是烏衣巷
也有雙雙燕子飛

繞道看花故却迴參天白果樹陰堆寺門深處無人在
誰遣殘鍾破雨來

四照堂詩集

卷九

鄂中

五

雙屐阮孚清興長偶呼蘭漿下高防春江一派桃花水

管領戈船下武昌

時將移營東下

後春遊四首

小麥花疎大麥黃塗川兩岸正農忙飯牛牧馬斜陽外
十丈槐陰下晚涼

五楓橋下釣人多倒影晴灘照綠簑多少魚苗驚未散
柳陰深處暖春波

一溪流水接煙蘿茅屋欹斜倚斷坡洋泖湖西春又老
落花紅送雨聲多

看水看山別有天一湖荷葉大如錢晚來試喚瓜皮艇

撐過桃花古岸邊

登淮山偕李岳嵐

三度此來遊梧桐欲報秋不堪頻眺望江漢自悠悠

晤曾少固二首

八載資陽別游蹤各渺茫鄂州重聚首我髻忽如霜濁
世偏難避閒情不廢狂知君出山意澤國未擒狼

烽火連江漢萑苻掃獨難全軍判吳楚孤艇繫危安奇
氣盤胸熱神風襲劍寒何當獻籌策大將倚征鞍

爲李鶴人畫梅題贈五古

骨瘦神魂清香幽世塵絕故人蓄靈素高情並孤潔梅

四照堂詩集

卷九

鄂中

六

花何多緣值此天下傑繪事堪傳真心腸舊如鐵堂堂
宋廣平千秋見高節君才况恣奇詩光映瓊雪太古發
幽奧澄懷透清徹誰領橫斜情空階印明月

李鶴人蓼東詞集題詞

青蓮一調古清平千載東山有正聲不道瑤臺今夜月
仙風吹雨亂銀箏

鐵板銅琶第一聲大江東去怒濤生人閒細響誇爭笛
可繫周郎顧曲情

與友人分咏畫松得勁字

虬髯鬱蒼蒼灑墨見真性歲寒不可折千秋自孤勁君

看冰雪銷羣芳抑何盛

讀李紅樵方伯卿毅西園遺集

靈光萬丈搖星斗奇膽盤空照羣醜紙上如聞殺賊聲
叱咤風雷應心手鄂中把讀重低徊愁雲滿地陰靈猜
一讀一擊何其哀抗代幾功臣英雄詎吝死但恨尋端
乞活多餘子方城寂寞隕垣中日暮英風動蘆葦吁嗟
乎歔歔忠魂漢上何可灰况復文章不脛徧走人闕世
千秋已燭經綸懷夜深掩卷瓦燈滅破窗鬼哭秋憐飛
雙劍歌爲彭雪琴作

鐵華冷洽照神影炎方六月電光冷是誰拔鞘橫長風

四照堂詩集

卷九 鄂中

七

逼人奇氣含秋穎一枝光性能通靈一枝瘦削冰花清
延津水滿雪濤靜兩條飛出蒼龍精神物闕世不易偶
將軍得之氣深厚吳頭楚尾隨長征寒芒千里奔鯢鯨
祗今碧血印斑剝大江磨洗幽魂腥新鬼晝啼鄂雨黑
瘦蛟夜泣江雲青畫戟琱戈詎足論 王威所及利于
刃撫時惆悵殺人心三尺霜稜亦何雋有客摩挲心膽
寒吾戴吾頭怕及看邇來未許及鋒試老去猶傷對影
彈主人愛劍如愛寶索我題詩贊奇矯干將莫邪歎難
逢蓋世乃有雌雄鋒

劍名篤
鶯故云

晤楊厚菴二首

潯陽握別初無意鄂北相逢又及秋千里吳山欺短夢
四更江月湧閒愁奇韜並世應輸膽名酒連宵好送鈞
記日危樓極登覽快騎仙鶴下瀛洲

將軍不負蒼生望襄漢旌旗據上游戰血碧餘荒甸冷
刀光秋洗大江流蛇山毒燄漫空在虎士威儀逐影浮
一例 聖恩深及物人閒何處數神彪

謂 欽賜彪
勇巴圖魯

次韻寄懷孫闔青

塗川何事手輕揮漢上名山詎忍遠千里江雲隨夢轉
五更灘月逐人飛畏途秋瘴頻吹毒射影寒沙忽弄輝
一自章門刺船去晚風惆悵白狼磯

四照堂詩集

卷九

鄂中

八

四照堂詩集卷九

四照堂詩集卷十

湘潭譚溥仲牧

鄂中古近體詩六十首

下蒲團

身事夢如麻拋閒此情少偶泛蒲團波空江一舟小山
市秋煙荒孤村柳枝老莽塊餘兵塵寒郊徧衰草人生
覽勝緣衰盛由天造皎皎秋月光歸途悵冥渺

七月十六日呈胡潤芝中丞

將軍籌筆探神算過江先扼窮妖竄一鼓長征氣未衰
百里羆羆掃滋蔓參山蔡甸何足論破竹勢那寬晨昏

四照堂詩集

卷十

鄂中

况復奇兵駐湏口健將所往無堅軍

謂彭雪琴

魯口凶鋒久

難潰賊勢縱橫倚肩背前月沿江縱火攻戈船幾度悲
空退虎將紛紛何處來此時水陸兩相猜那知計伏千
軍膽早使神通四路師橫江鐵鎖沈嚴鑰殺機重徹滔
天略遙夜啾啾鬼哭聲四更冷雨飄簾箔奇才經國幸
相遭閒世乃有真英豪千秋漢上論功地何止雲霄一
羽毛

老鴉詞

夏口昨日狼纔去老鴉鳴啼繞樹夏口今日狼復來
老鴉鳴啼更哀反哺所冀八九子一一投狼爪前死

可憐荼毒襄漢湄將軍將軍親見之

七月二十二日接讀田春臯書知自長沙別六載
其父母妻兒女五人相繼下世死喪之哀可謂極
矣何能已於詞用賦七律兼慰春臯

六年憶別空回首九地埋憂詎有涯再世自來情可補

奇愁偏與夢難期

來書有恨夢不到九
泉一詢共故之語

乾坤莽莽于絳

定霜雪駸駸兩髻知珍重閒時要排悶燈窗惟檢杜陵

詩

孫開青畫設色折枝花卉卷子贈張參戎索題

紅紫繽紛綴彩霞仙風吹折數枝斜指邊生趣橫蘆管

四照堂詩集

卷十 鄂中

二二

眼底香雲擁墨華

卷中墨壯
丹最佳

六代胭脂原是夢百年顏

色可知花將軍坐對羣芳笑手把西堂古畫叉

八月十五夜陪胡潤芝中丞彭雪琴觀察沌口對

月小飲卽席分賦

萬古團圞此夜明庾公吟月幾同聲深杯對影奇懷熱

儒將鳴秋膽氣清士馬有情猶戀主旌旗無恙且移兵

時將拔營
嘉魚縣

大江西指南樓在惆悵黃蒿古鄂城

送彭雪琴觀察赴江西水軍二首

大江日暮楚天遙別緒茫茫繫柳條漢上忍拋諸將在
章門爭聽馬蹄驕東南半壁誰堪挽旦晚羣凶且未銷

振觸嘉魚揮手去湘波千里劃蘭橈

楚吳論戰數名流帆腹車唇尚未休別我應牽千里夢

送君分與一天秋雷陳古誼能推世李郭仙風適共舟

時與資柏丞同舟

祖道紛紛相餞罷不堪橫笛在江樓

龍藏磯

三年格鬥場白浪餘鮮血君問龍藏無磯頭水聲咽

白狼磯

磯邊昔苦戰風日含愁光大將沈舟處江濤飛白狼

懷張南山二首

羊城小別蹤無定舊雨中途忽勸歸千里閒雲飄影斷

四照堂詩集

卷十 鄂中

三

四更孤月併愁飛天南悵悵詩空在

拙詩初稿尙在師處點定

畫裏

纏綿夢亦稀

謂賜題夢岳圖

從古炎方幾名宿論恩尤愧此心

違

老處憐才眼肯青贈題圖冊表山靈

謂飛雲頂觀日出羅浮証雪兩題

天教五嶺開詩膽人許三城聚酒星

謂宴集柳堂詩社

吟客似

雲輸我在松濤如海要誰聽

會屬題聽松廬圖

猛蛟笑獸猶多

事應向羅浮避影形

懷黃香石

山寺相尋鬪酒軍

謂三松別徑

三年別徑冷松雲離懷照雨

秋燈黯別夢追涼古翠分書裏詩狂飛楚岳

謂題夢岳圖

柳

邊人散響奇文

謂小集柳堂詩社

祇今千里南中月泛海何緣

續舊羣

懷張南皆

野狼溪虎縱橫地早晚端州劇可虞
亂世論功奇策少書生經國舊恩殊
炎方千里牽愁遠別夢三年到海孤
我自浮家君泛宅天涯消息繫情無

六溪口九日過曾玉樵談江陵時事因懷尊甫少

固

溪口日色暮林風何蕭蕭振策覓登眺
秋氣橫空郊戰場慘將夕亂骨埋蓬蒿
陰飈旋鬼聲夜叫山月高界石四照堂詩集
卷十鄂中四踏雲還換步移輕舸尋談江
陵事積習聞薄佻而翁客其衝正直無相撓
抗懷君子風欣然翻自豪

牛沙港

古港蕭蕭蘆葦多水牛浮鼻聚湖波
夜深山月穿林去還有何人斂角歌

凌康橋

小橋寂寞傍孤村垂柳青青落照昏
隔水聽呼牛飯足老農扶杖倚柴門

雞公山

亂峯中劈晚嵐分三兩人家對夕曛
聽得一聲山碓響

風泉飛落樹頭雲

寄郭正齋

聞道追羣幕府深王千秋先赴夏漢陽風月快招尋妖
懋庭方伯之聘 霾照影孤城黑 噩夢飄燈夜雨沈 纍禍已傷遼 數劫勝
遊偏阻探奇心 長瓢短笠乘機返 知有蛇山感事吟

送李鶴人廉訪往仙桃鎮四首

襄西窮寇莽山隈 千里移兵殺氣催 江水白搖戈艦去
秋光紅閃畫旗來全營皆紅旗 饑軍眾志收時策 武士多情
識將才 記日仙桃鎮 邊路萑苻一 抹掃氛埃

四照堂詩集

卷十 鄂中

五

亂骨飄塵冷血鮮 事豈畫圖煩借箸 人從盤馬正彎弦
新灘洪澤從容去 知有聲威在賊先

將軍神算

九重知

湖口欄江事

廉頗胸中數萬師 縱使飛

烽驚噩夢漫將冬 雪補奇詩賜題蓬窗對雪圖 蓼東拔世稱才

地鄂上趨庭 洒淚時蓋代 功臣幾忠孝 千秋能事表光
儀

吳楚籌兵膽氣雄 船唇車腹遍西東 此行未是潯陽險
去路能教夢澤通 笛裏楊條秋又老 詩邊離緒酒難攻
茅江奉 命匆匆別長短 亭前夕照紅

懷陳紫垣丈

十年湖海遍相思，惟底吟壇獨遠離。
白社故人應垂老，清湘詞客更推誰。
南衡做畫秋雲熱，曾題夢遊衡岳圖別夢飄

燈夜，雨奇，棖觸江樓一輪月，高寒千里見鬚眉。

挽塔軍門智亭齊布二首

忽聞大將騎箕尾，不獨諸軍湧淚痕。
憤死足徵天下勇，七月十八日大舉本部兵
攻九江城，忽噴血暴亡。孤忠應答，九重恩冊年膽。

氣開神策三楚聲，威奪寇魂此日長。
沙歸櫬路黃泉遺

恨在匡湓

漢上先傳噩語驚，前數日有傳公死者識來江右將星傾。
五月十一

一星飛墜江北，竟應公身死。奇光三尺埋長劍，碧血千秋照古城。
教

四照堂詩集卷十鄂中

六

戰有誰能畫地殺人如此，敢談兵英雄救世餘殘局。
我亦呼天振哭聲

贈傅立之

乾坤合樞紐，其氣無頗偏。
稟此一軀壳，積習多變遷。
傅侯獨善養，正直心魂堅。
兵戈事騷屑，黎庶悲繩懸。
人間父母情，固是曹司緣。
行當展初志，坐秉成人權。
不負穹蒼心，于物終無愆。

寄邢星槎

虛懷繾綣愛民多，聽政沙羨老奈何。
天自有涯容泛宅，人方經世此橫戈。
湖湘故國澄秋水，風雨寒江起怒波。

帽影鞭絲照愁處與君奔逐在關河

陳炯齋自粵中別五載今從岳陽來訪見示武昌
紀事

揮手昔從珠海別買舟今自岳陽來離懷照影疑追夢
時事關心忍對杯千里湖山雙劍短五年風雨二毛催
武昌無限傷情處一寸秋毫湧劫灰

聞胡潤芝中丞收蒲圻咸寧崇陽通城諸縣

時順理自昌用兵在善變膽智昔所具攻心乃可戰人
力卽天工虎穴走雷電性命當羣戈臂指出神算鐵山
與羊樓賊窮不得竄熱血明霜鋒寶刀紅一片

四照堂詩集

卷十 鄂中

七

登江峰閣

長隄帶林薄高閣開晚霽日色澄江水波光蕩衣袂飛
岸懸冬乾放闌不可濟荒荒茅江流奄積淤泥閉溪澗
有通塞滄桑閱年歲蒼茫天地心變幻安所計悠悠雙
髻皤撫懷空自勵怊悵依欄情簷鈴觸風細

二月初一日傅立齋招同鍾雲卿謝青芸小飲江

峰閣兼寄王子壽

百年幾歡會勸盞不可卻况乃際兵烽偷閒補前約良
友適二三豪情殊磊落古來飲者流芳名著糟粕大醉
一叫絕飛杯酌江閣北倒茅江流黃蓬山名浸雲壑南明

岳樓峻湖光透林薄轉睇危欄東巍然矗黃鶴眼底何
陵嶒胸中亦寥廓酒顛吾豈敢詩狂更何若遙指螺山
西高吟據芒屨

曾少固五十初度

知人自昔稱難遇謂潤翁慷慨從戎一念深勇氣不傷儒

將膽真懷堪見古人心電旌照雨秋雲濕虎帳談兵夜
月沈幕府謀叅屬奇士就中能闕去來今

題畫爲周梧坡作

慷慨談心一榻分八年離緒太紛紛披圖試問纏綿意
指點鄉山夢裏雲

四照堂詩集卷十鄂中

八

曹星槎五十初度

生佛從西來諸天色歡喜萬井填瘡痍聞風一忻起何
况重來情離亂蘇民死妖龜尙未淨旦晚不可恃獨拔
丈八矛倡團固其壘佛來情有餘佛去思何已來去兩
無端悠悠對湘水

張曙東索畫虎門形勝

古樹蒼蒼倚斷橋危樓高駐虎山椒三年回意登臨處
畫裏秋風卷怒濤

黃更生索題負米養親圖

我亦高堂輕奉別三年遊跡阻江程天涯無限思親意

難遣關山負米情

懷王蘭汀粵東

客裏尋山併膽雄
南中回首又秋風
三年別緒隨雲轉
千里奇詩有夢通
海上寇來羣吏散
嵯塲事變酒壚空
天涯盼斷征鴻影
漢水蒼茫落照紅

遊圓通寺用王子壽題壁韻

細路轉羣松
松閒見一峰
閒尋老僧話
深入白雲重
石磴開殘蘚
山樓下晚鍾
歸途雨初歇
數里夕煙濃

夏日卽事

酒甕詩瓢一榻殘
數椽蘆舍息征鞍
苔衣經雨綠無縫

四照堂詩集

卷十 鄂中

九

琴索觸風清
自彈事勢轉
機三楚定戰
傷求恤兩情難
洪山十萬貔貅在
應許窮狼破膽寒

爲曾少固畫松題贈七古

破屋過雨秋風涼
古翠潑眼飛靈光
山何物恣老性
勁氣一拔凌穹蒼
那知松意盤空去
紙外全神着煙霧
有時散作風滿天
十丈狂濤撲人怒
故人氣直如長松
獨立可以鳴孤衷
君不見冰雪叢中挺
高潔歲寒乃表
堅貞節復不見羣
芳媚世何其榮
後此亦足誇英靈

江峰閣感懷二首

四面樓光豁眼開
茅江日暮重徘徊
世緣入定猶招忌

身分求高總謨才沙草長隄飄雨斷湖天清夢逐雲來
征途愧我謀生拙翻累家書問酒杯

旌旗隱隱隔長波驛路分屯獨荷戈山勢北盤黃鵠下
江聲東逐白狼過舟車聽命通時少世路關心險處多
風景不殊無限感幾回拓韻動狂歌

訪李鶴人廉訪

水際山邊早駐師

時統率水陸
兩路兵勇

漢皇凶逆犬羊悲將如

唳鶴聲先遠膽可傾人計獨奇遙夜談兵千帳肅深情
酌世五方知 九重授命看籌筆儒者雄風表道儀

次韻胡嶰樵登洪山有感兼贈蔣香泉二首

四照堂詩集

卷十 鄂中

十

時艱振策此攀留草樹荒涼起客愁雲裏尙餘殘堦影

吟邊空對古城秋

羅羅山方
伯殉難

關山有夢收羣醜

香泉前
夜事

文酒何心紀勝遊計日危崖摩字去聲威應併在峰頭

刊蔣香泉屯兵處
六字於北山石壁

戎軒多少舊班行楚國掄才接古狂隴首擒狼舒酒待

山根盤馬逐雲忙三邊武帳千屯肅十載雄心一劍霜

西路使兵乘夜出茶棚葛店想飛揚

是夜勦賊至
葛店乃止

贈王子壽比部

艤舟螺山陰言尋看雲者雲意空纏綿荒山夕陽下老
僧坐相語去住亦聊且得趣時高吟南山有蓮社浮榮

淡靈素積習破孤雅太息藏書深飛烽掃平野

小住茅江隈探閒與鷗約登樓并遊山眺聽不自若市
喧雜朋嘈塵勞苦營作有客離眾緣世外固難著奉義
得良晤寸心快所託但恨相見情髣髴一以薄

與曾少固作

茅屋三數椽地靜堪避暑長蘆闌巷蔭烈日不破午江
氣成涼雲日暮自侵戶我適投閒至晨夕樂相與雨後
藉行飯巡籬及園圃呼童移竹牀夜坐俯花塢山月穿
林來清輝動松塵領趣一命酒醉意各自取生事忘繫
情澹然此儒腐

四照堂詩集

卷十

鄂中

十一

次韻答張堯臣藝臣

將才隨地有輪量頗憶軍山舊戰場碧血乾秋露冷
怒濤聲急晚風涼君懷展轉餘兵事我夢纏綿入鬢霜
安得神仙橫玉笛倚樓同看落花忙

次韻答劉琇峰

孤館梧桐又報秋三年戎幕感淹留風濤夜捲塗山月
雲水光沈鄂渚樓客裏登臺愁北望酒邊橫劍問東流
何時痛掃欃槍影相與蛇山據上游

輓羅羅山方伯

澤南

洪山寂歷晚風哀又報天星隕將臺溢浦四更分隊別

章門千里赴接回奇功夜表羊樓火名將聲飛楚國雷
詎意裹尸煩馬革士民清淚一時摧

九日詠懷用杜工部韻

寸意淡榮貴動止忘塵機飢愚日以迫奔走將焉爲覽
勝湖前哲世路逢艱危蔡甸得無故客夢那可歸戰血
冷青斷征魂聞夜啼劫灰今未靜且晚猶紛飛頗憶故
人在

謂彭雪琴

兵法能參微土人重掃寇三嘆前官非大別

與夏口毒霧移三時薄伐日已遙分執多曹司我亦乏
長策棲屑難自持展眺成功山萬井荒爲施止戈舊爲
武買犢期在茲佳日列大府登睇歌於斯滾滾襄漢流
四照堂詩集卷十鄂中

三

其下通漢池秋風何颼颼撫懷空有詞

黃虎卿屬題聽笳圖

將軍憂世心腸熱清夜舉帷長歎絕和門諸壘飛寒笳
五更聲震沙陽月數載中原戰伐多三軍可奈苴糧何
自把黃金買心鬪那料濟渴無餘波士馬衝鋒鐵膽壯
文明山下標神將蒲葢羣寇敢重侵貔虎連營有千帳
鄂渚凶鋒正挫餘洪山南望接螯弧計日潢池洗窮壑
東下直可收三吳劇憐故國金陵大焦土於今莽塵墟
華屋山邱有夢回玉魚金盃無人賣畫中惆悵月輪高
彷彿笳聲出樹梢安得掀天振長策五方風靜掃狼妖

次韻有感兼酬鄒子方

惆悵湖天浩劫開，儲精五載事低徊。
將軍使臂非無策，名將攻心別有才。
草木風聲今未靜，犬羊凶逆誤從來。
仲宣珍重籌兵地，聞道登樓數舉杯。

過魯家巷兼呈胡潤芝中丞四首

空郊延旆躋山岑，傑戰能收士馬心。
殺劫不逃羣寇命，風雷一剝卷狼祲。

熱血模糊蘸雨紅，空山流影出溪東。
荒原日暮無人到，時有旋風嘯鬼雄。

賊援無地避神兵，將智由來照膽明。
落日揮戈三百里，

四照堂詩集卷十

鄂中

三

雄風催月下茶棚

是夜馬隊追
勦至茶棚

十萬萑苻一戰收，鄂中從昔有奇謀。
礮車馬隊論功後，千古無人說武侯。

寄黃倩吾

舊擅君平術，先機表六壬。
如何卽戎事，翻累在山心。
澤國春將暮，荒天愁自深。
楚吳埋寇地，還欲問生擒。

四照堂詩集卷十

四照堂詩集卷十一

湘潭譚溥仲牧

沅湘古近體詩三十八首

次韻有感兼酬王子佩二首

朝會天神好圖畫仙班青紫劇悠悠征途載櫬誰輕死
諸將彎弓未復讎三楚雄風銷北渚五方寒日上南樓
當時此錯應難鑄聚鐵空搜十六州

雪堂聽雨古黃州曾對春杯小送鈞門外拒狼悲此日
夢中騎鶴憶前遊蹈天神將無金甲亘古奇韜有木牛
拔劍高歌休斫地仲宣歸思久登樓

四照堂詩集

卷十一 沅湘

一

同王子佩鐵牛埤觀鐵牛歌

朔風料峭吹寒濤冷氣觸鐵聲逾驕爾牛何代此屹立
鐵色照水明墨麓扼衝浮鼻恣偏勢泊浪發喘驚鱷蛟
吾儕訪古矜奇卓幾度狂歌還斂角問牛閱世曾幾生
牛但俯首牛不膺君不見滄海桑田有更變百年轉眼
如飛電復不見鬚蒼髮白今如何東逝那可迴長波乾
坤一氣自難折四躡亘古磨生鐵

友人招飲卽席分賦

西來窮寇洗湘流詩酒登場幾咏酬絃管雨湖空白社
梅花仙洞此丹邱乾坤殺運終能補吳楚烽烟且未休

笑我關山重繭足擔簦何處問清遊

畱別王子佩

客路古城東曾懷七年別今茲談世緣夢冷江雲裂積
習重黃金翻雲亂前轍逸性守堅定奇窮厲貞節讀書
領至趣幽奧一以挾發爲大文章千春照冰雪十年阮
運會慷慨自怡悅勸我盡幽賞梅花證孤潔樂事人生
稀樽酒不可忽戒裝重出門關山事征伐惆悵鐵牛渡
空江北風烈

看菊

滿籬秋色正縱橫偶卸歸帆此繫情笑指香雲飛不定
四照堂詩集 卷十一 沅湘 二
西風吹散紫瓊英

三年不到慈棠閣十里秋風逐夢尋無限滄桑變遷意
晚來都上對花心

過蕭載樾看梅

朔風吹雪到人寰水口花深鶴未還愧我巡簷空索笑
學君投老竟無山香清自信能容俗世濁誰來欲犯顏
同調惟憐水仙在月明移影上柴關

題徐海宗黃村草堂遺稿

讀君詩當起君生面目依稀記得清千古青琴纔託命
一杯黃土未埋名別裁僞體存真氣淨洗鉛華見物情

雷取心頭三斗血蒼天不負苦吟聲

舟夜期黎齋岩不至

斷雁叫殘月客心生夜寒江程纔十日離緒有千般風力不在水秋聲時滿灘故人期未至燈上一花團

懷李遜吾

七年握別淮川道粵服離思滿畫圖

謂題夢遊南嶽圖

才大忽

驚清夢破人高偏覺此身孤名山客久煙雲瘦

時主講獅山書

院老鶴年深骨相癯自是衙齋著書地鄭虔端不負吟

鬚

送張山石

四照堂詩集

卷十一 沉湘

三二

手折秋花忍送君一枝黃雪太紛紛何時共對樽前月
楚水吳山影又分

讀會雪香夫人學菽樓遺稿

拜母曾登堂聽詩夜談雨十載追遺風冰絃蕭宮羽宿業承詩書餘事及緘縷蓬窗督課情

令嗣少固鐵城

孤燈耿蓮

炷立德與立言適爲巾幗矩巍巍天姥峰秋霜照蘭渚
次韻李鶴人方伯雨中過桃花林卜宅二首

桃花含笑待詩人雨裏禁寒又作春此日重尋攀眺地
東風如夢掃華鄰

樓傾塤斷兩茫然眼底滄桑幻昔年一種深情知未遣

空階移坐補苔錢

晤鄧少欽二首

八載湘門別滇南振策雄征途一萬里容髯幾秋風地
迴邊雲執天低烏道窮詩懷似東野我亦願凌空
粵服探奇去薄遊曾五年海潮秋信月山峽影沈天夢
已逃塵劫詩還補剩絲無煩問毛髮漢上感華顛

次韻酬王子壽三首

身心不我繫昕夕常判離破屋蒲騷東恍對江陵湄春
風觸旅夢時展門前磨藥爐與丹竈對我神形疲安得
檄愈風手把陳琳奇腹笥多明珠意儻隨風馳

四照堂詩集

卷十一

沅湘

四

南服輸奇珍畫中燦新句淨掃扶胥雲仙風適所遇海
色森眉頭秋毫恠驚赴關山豈不遙識者非所慕太息
相逢遲髮鬚一以暮如何江漢波悠悠自東去
良會負夙約荆門遲俊遊雲山對君膝意趣殊相繆時
艱抗孤潔軍將輕同儔精瓊重守素與世空雕鏐奔勞
愧隻身挾策無營求年來不敢獻誰剖荆山璆

送李鶴人方伯援應廬州

將軍湖口誇神見鐵鎖沈江兵事變颺烽紅照梅洲雲
突矢白飛江廓電君心早識臣心明仙鎖捧檄分奇
兵又况漢陽攻賊破千里遙援汝陽餓江南嘯聚封狼

多北伐嚴刁夜枕戈籌邊挽粟來何暮唱月量沙喚奈
何鄂州振旅自茲去旌旂影動晴川樹虎士飛鋒雪馬
騰龍津洗劍霜花怒祖道深杯夕照斜投鞭且駐三軍
鴉拈詩笑補華林夢勒馬愁看固始花漢江三月春如
海計日聽奏南旋凱寶刀曾擅西粵雄殺賊應推馬援
去功湘南縱火尤奇特神烽快掃妖塵黑從此東南半
壁天蒼黎一起銷魂色兩度楚北排冤雲功臣有像圖
麒麟雀羽貂冠自足羨哀鴻滿地誰蘇魂車騎無端此
于役髀裏肉生閒不得晚上扶危幾重臣營門使指多
奇策我醉拳帷亦膽豪高歌聊贈霍嫖姚天涯又撼桓
四照堂詩集 卷十一 沅湘 五

伊笛吹折離亭萬柳條

次韻酬黃虎卿見贈二首

造物發靈素洞達存吾天文章極餘事風月森吟鞭淵
源自衣鉢謂令祖春
谷觀察寸鐵堪攻堅渾淪孕元氣光恠垂
千年

佐世求循良諸僚空眼青天涯感秋佩同契蘭斯馨數
載扶時危急難忘轉萍何當震虎穴叱咤奔雷霆

青斷口題顧子山觀察漢上聽笳圖

微陽黯青斷嘯月颺颺秋聲發寒笳一夜何蕭颯士
馬慣衝突雨風顏色凋抱飢洽眾志振勇揚華旂武功

重基業仁術涵九包相將動士志性命輸弓刀外江更
扼要巨獍毋遁逃民髮嗟種種寸心與俱搖漢上古戰
地日月明戎韜巍巍成功山草木禡逆梟薄伐苦頻年
中外勛名高餘孽尙奸宄積恨鳴江濤何當掃烽祲眾
響沈清宵

次韻答鄧少欽

選勝昆明路秋濤照膽雄海光飛皓月邊氣入炎風舊
雨征魂斷寥天容思窮仲宣倚欄處花雨一樓空

寄懷李季眉都轉代柬二首

南服薄遊歸鄂中復行役七載一尋晤匆匆去程迫何

四照堂詩集

卷十一

沅湘

六

當快奇賞移牀據詩宅芋園亭宇新眺聽鬱孤寂蘄黃
未息兵驚魂動相憶夢破湘山青愁來漢江白

與世淡浮榮幽棲明所適虛懷下魚鳥逸性癖金石踏
天割雲根端州盡搜摘吾家三寸硯欲守苦未得摩挲
不計年照我髮鬢白

月夜同黃近宸東湖泛舟小飲

涼飈吹雨過湖東湖色天光在鏡中水底魚龍新破夢
詩邊風月舊凌空忠魂寂寞隨波冷戰血模糊照影紅
迴首昔年征伐事樽前無語問哀鴻

題畫送黃近宸歸江都二首

畫裏煙雲管送迎家山遙隔古邗城君今底事欲歸去
故國連年未洗兵

客底琴尊午夢清楚天風雨自多情那知五月江城笛
故作關山離別聲

贈張仲遠觀察

圓靈蘊秀異閉世乃一發亘古有數人精氣貫日月
國朝舊才椒公詩事超忽餘礦淘精金大海縱神筏及
物情自真觀空眼逾達我昔佩斲輪神想意以豁奉義
得尋訪前緣締詩鉢一指發禪意習習蘇毛骨洞理亦
何深幽奧破詞窟漢上相逢情流光送華髮

四照堂詩集

卷十一

沅湘

七

月夜同閔伯昭鄧少欽張清南僧道真重集養雲
龕分韻得禪字

烽火照蠻天心孤客夢懸更番行酒意無復補詩緣山
影橫窗重桐陰壓砌圓老僧却塵事閉悟指頭禪

又得界字

粥鼓經魚肅禪界詩豪奪席鳴吾快古鬼振吳陰風粗
秋燐逼人冷光大乾坤一粟空塵緣車笠三生此良會
閩仙不作孟郊死奇才未易慚吾輩

小集養雲龕分詠昆吾刀

鐵花冷泠照吾膽寒光一尺莫敢犯昔聞百鍊成良金

獻之遠自昆吾陰天子臨軒開口笑鎬京堪補殺人效
何况切玉如切泥見喜西胡投所好有周楛矢何森新
貢物饒有喘風神自把武功重基業軍令早已聞伐殷
方今中國恣羣醜殺賊誰誇好身手安得霜鋒復九江
妖塵一洗匡湓垢君不見遏必隆御賜某大臣刀名會頒寶刀
用之不得收天驕吁嗟乎用之不得收天驕

小集養雲龕分詠馬嵬坡

馬嵬坡上陰雲愁馬嵬坡下涇江流美人終古問黃土
血淚一染林花秋天子何心輕死別西幸中途與妃訣
六軍橫劍駐英風萬里垂鞭佇涼月長生殿裏可憐宵
四照堂詩集卷十一沅湘八
私語無人犯阿嬌酒潮紅瀉芙蓉彈蟬髻青歆翡翠搖
禍機已伏蕭牆裏洗兒拜母今奚似玉貌何緣夢故宮
瓊枝無地棲連理翠鈿羅襪了前盟恨海那從一夕傾
寸心自著千秋悔夙約徒牽再世情惆悵埋香路祠側
夜深愁聽雨淋鈴

題張清甫聽秋閣圖

君自江都來應知江都事二十四橋橋上秋玉簫可繫
司勳意揚州盛事天下聞明月於今有二分楚北風聲
猶未息鶴唳狼囂震飛鏑千里蒲騷客子情相逢我正
悲今夕慷慨從人說聽秋畫裏邗江一聲笛

懷鄧雲喬

抗世輕別離關山積華歲資陽判簪蓋星門僅連袂薄
遊羈南中鴻魚苦莫致相思令人瘦西風慘吾意中原
尙格鬪邾城阻烽燧生事澹無營歸心反多累我髯生
秋霜君鬚聞弗逮悠悠扶光流天閭不可閉鄂中多名
山繪影極秋霽草木鳴悲風人牛散鄰比故園復樂土
武陵據文治蠻蠻移純風昔藹寄甘志誰謂黃道眞仙
源非避地

黃陵磯有感

宋玉性好色登徒短其罪楚王顧昧之有說豈所待章
四照堂詩集卷十一 沅湘 九
華亦附會郊姝色空美潛德匪外懋守之不容怠三嘆
求知心吾儒負眞宰

四照堂詩集卷十二

湘潭譚溥仲牧

鄂中古今體詩

老桂

老桂輪囷壓園大性辛與世乖風會根株所託衙地尊
兩溜風磨秋色敗昔年俊秀殊超倫選勝獨有羣官親
勁氣夜凌鄂渚月香光曉接洪山雲於今枝葉戒剪伐
生意已少誰空憐同林森立佩雨露顧影益覺忘其尊
故人惜之有深意兩度移栽故得地爭奈生材造物偏
人間屈曲多奇緣大匠何因恪斤斧厦傾須棟將無補
四照堂詩集卷十二鄂中
一
惆悵風前弔影心樹海茫茫氣深阻

閔伯昭索畫梅

故人與世心腸冷索寫梅花證孤影閉門相對數花鬢
笑摘幽香蘸秋穎詩澹慣與梅爭奇花高亦覺人同境
棖觸門前桃李春一種芳心人自領

題鄧少欽壺天一笑圖

君不見大江悠悠自東去黃金那築逝波住復不見駒
光過隙何匆匆昨日已往今難逢人生有得須行樂酒
國乾坤非易鑿鄧侯抗世能知機一壺醉倒嘉魚西何
况沙場數載感生殺征戰自古魂難回滇南楚北誇遊

足顧是看山意殊囿碧雞春雨黯愁青黃鵠秋雲障寒
綠敏絃一笑天公猜飲者乃獨舒眞懷

中秋夜酬張仲遠觀察兼柬王子壽比部次韻

夜寒逼軒牖颯颯秋風發何當撥層雲太空表圓月佳
節懷知人荆門渡慈筏蒲東覓旌蓋奄過飛雲達安州
薄郡道貞觀極寥豁雄詞辱展投奇光照吟鉢往復一
千里巡行重肌骨虛寂對川岑怡然發詩窟江陵握俊
朋乞言問華髮

九月初八日同閔南村鄧少欽張清甫遊湯池

白光一道騰空翠停驂遠識溫泉氣臨池似旣炎蒸人

四照堂詩集

卷十二

鄂中

二

小立祛衣汗浹背數丈圍池恠石凹千層擁雪秋波沸
屢怯湯奔要測指不避礪腥殺薰鼻里許分流爭灌盆
傾纔出浴各快意鄂中選勝輕蒲東詎料名區世罕逢
偶翻禊事約吟伴山陰萬古無秋風况復龍山換遊轍
明當展步披雲穴撫懷誰信別徐陵祇今一縷肝腸熱
安州應城湯池用李太白韻

利涉重江漢滔滔浮大川在山自信美地脈通靈泉秋
風觸炎氣炙手成白煙伏道燁離火沸影明朱天陰陽
古爲炭此理誠宜然吾鄉瀉湯池禊事曾留連不道蒲
騷西其温由天全澡浴極吾事分汲鳴潺浚晞髮照華

影導氣盈丹田造物慳清奇托跡悲窮偏赴海知有自
拔窟空涓涓

天門道中同友人

筍輿驚馬息追奔倚樹分盤一丈根覽古有誰來夢澤
尋詩客我到天門荒原驛道收茶市衰草秋風冷蝶魂
回首狼烽流毒地不堪洞瘵問民冤

登五華山兼寄胡潤芝中丞

阜市停鞭落日斜攀登戢羽近盤鴉關河迢遞來三楚
雲樹蒼茫接五華客裏看山難補夢樓邊招鶴儻還家
妖霾且喜今能掃時湖北逆賊已靖北望長安合紫霞

四照堂詩集卷十二鄂中

三

應城鹽井

時事策通變官禁旋官行柘山產鹽地民力餘所生出
汲按爭羨萬竈煙光青征權古有制利用權則勝長途
歎乘梗淮鹵終堪仍

九日聞彭雪琴觀察收湖口縣兼代柬

湖口前年劈江纜血戰淋漓瀉雙劍君有鴛鴦劍一夜飛烽

闖殺機楚吳半壁悲天塹今茲轉戰來章門畫地久習

樓船軍武帳纔停菊花酒妖霾聽掃梅洲雲一身舊擅

將軍膽鬼鑿神槍莫敢犯曾代造火鑿火槍千里沿江縱火心

漢上策勳吾豈敢石鍾山上夕陽紅登高題句表雄風

夢裏奇詩見靈影昨宵飛入蒲城東故人遠別時相憶
客路盤空聊戢翼眼波難覓湘東青鬢雪徒傷鄂中白
何當跨鶴追前蹤天邊看洗窮狼空此日臨風問長策
方舟東下將毋同

爲張仲遠畫梅

與世成飢愚悠悠伏靈素繪事搖微機孤山雪花怒使
君得奇趣閉目不肯顧心與花神通浩然發長句公才
奇於梅蓋代不可遇餘事足千古功業况所著儻上和
羹書深情及黎庶

時爲楚民蠲賦

何龍臣屬畫蒲東送別圖並題

四照堂詩集

卷十二 鄂中

四

畫中移棹下環川祖席停杯問夙緣漢上旌旗開甬道
蒲東風日冷湖天彎弓舊伏封狼嘯振策新收士馬權
漫把功名繫戎事此行端爲洗窮邊

爲朱雲門觀察畫梅題贈七古

蒲騷地荒北風烈鐵塹碣岡花事絕使君催放畫中梅
奇光夜徹孤山雪廣南曾踏古羅浮夢醒翠羽空啁啾
鐵橋勝事成陳迹雲夢巡行悵此遊瘡痍滿地號飢凍
安得深情切民痛願君重展愛花心三楚成人及黎眾

次韻酬朱雲門

三階及楚鄂民命悲沙蟲撥亂今乘機振策森羣雄書

生舊諳武八桂鳴英風蒼天有真意時順理則通曲突
負良謀何地回神功中原尙多故劍氣秋凌空

寄懷彭齊臣二首

良會常不及別來今隔年蒲東一片月寂寞在環川畫
裏詩情冷曾爲畫梅天涯客夢懸嵯場極能事聊達濟時權

大用不可屈寸心能自堅十年讀書意慷慨要誰憐聞
倒碧玉杓醉招黃鶴仙何當約譚峭與世空塵緣

登象山同鄧少欽張清甫

應城苦無山開門際遼濶長林何岌巖嵐翠盪胸活象

山拔眾峭逼影西城闔日夕遂攀登遊心縱寥豁眺聽

四照堂詩集卷十二鄂中

五

各自領我氣胡欲奪萬井民色凋危機恐難拔州民多槍掠事

故云猛政昔據虎兇芒今恣猾倚策生遙嘆寒風振林末

遊蒙惠龍順四泉同友人

勝地絕市囂山泉發羣瀨長林人跡稀覽古一長嘅代
謝空悠悠源流自清泌噴薄聲則殊傾聽或無異方塘
滙眾脈澄波息騰沸蟲魚樂靜便木石照靈恠氣觸荆
雲低光沈楚天大涓涓出山情江漢非所賴萬里朝宗
流應輪合諸派

白雲洞

空山日未晡古洞天光闇照影陰雲愁吹燈鬼風慘隔

世窮幽靈傾情冒危險勇進或觸顛驚迴已奪膽小坐
舒勞筋虛懷發深感悠悠陷阱中斯民亦何減

次韻酬張曉峰都轉二首

鄂渚籌兵日秋凌一劍霜詩懷壯戎馬吟侶憶湖湘寂

寞新圖冊

城南雅集圖

飄零舊酒場寇餘花事盡何處問秋

光

七載驚相見沙洋草樹荒劫殘秋似夢身健老能狂楚
粟勞苴補吳沙滅夜量中原猶未靖民事感淒涼

何振之索畫梅兼以畱別

疎影橫斜老氣粗別情如畫總模糊漫天一夜蒲東雪

四照堂詩集

卷十二鄂中

六

花裏相思有夢無

張仲遠觀察招飲卽席分賦

東風猶及鄂州春臘水殘山掃劫塵花裏牽情迴短夢
酒邊添韻補前因功臣膽氣垂荆楚名士心光奪鬼神
福地招尋亦何限粗才慚照古龍賓

晤朱厚田兼送別

海上分飛弱翼懸楚天聯影戢風鳶五年離緒難追夢
千里奇詩好續緣澤國春煙沈朔雁戰場花霧黯唳鶻
不堪寂寞南樓月又送征帆入漢川

題張仲遠海客琴尊圖

天風琅琅照南海萬里秋濤逼人在燕臺
振觸盃簪時風雨興懷十三載人生會合良由天
畫裏琴尊掃昔緣曹吳良甫廉訪那堪垂死別十八人中聲影絕勝集年
來何處招天涯有客誰詩豪鄂州文讌今無地
墮斷樓傾塵土焦披圖應亦生遐嘅中原地荒足妖怪憂世心
孤老宿存懽場酒冷諸僚退紫蓼黃蒿何限情
蔣園亭榭空吟聲海客難銷夢魂影夜來飛墮楓林青

過黃鶴樓廢址二首

皓月冷江風蛇山嘯鬼雄遺基空代謝招鶴問窮通謀
醉知何地與懷此鄂中神仙不可接搔首悵蒼穹

四照堂詩集卷十二鄂中

此地曾逢黃鶴仙樓高分據楚雲巔蛇山沽酒負良約
與王孝鳳約重遊未果襄水迴舟空昔緣萬古奇情銷漢月百年
清夢冷湖天問誰更擲江城笛吹落梅花何處邊

題張仲遠比屋連吟圖

萬籟秋深俱寂寂吟聲忽震機雲壁一夜分箋展雪濤
奇光萬丈搖空碧惠班舊擅東京才詩筆可以傾江淮
宗風堪繼老尊宿謂尊甫宛鄰公別派自展平生懷骨肉天涯
輕別去西風吹散新詞賦淡鞠光沈古劍篇孟緹夫人淡鞠軒詩
集內有綠槐香冷庭花句婉紉夫人綠槐書屋詩集內有庭花一首况有江
陰死別悲緯青女史早逝白楊風老幽壘摧十載蘭陵綺窗月

夢中清詠儻飛來開圖應一生遙歎星物年來有移換
搔首茫茫弔影情細浪吹愁滿襄漢題詩我愧附諸君
心折嫵嬛福地尊亘古論才及巾幗一家能有幾詩人
畫裏煙雲暗林窟夜深冷露侵羅襪隔墻聽唱夷門歌
鄰雲友月之居詩集有夷門
歌一首爲若綺夫人傑作鬼雨飄燈泣殘月

讀張宛鄰先生琦遺稿四首

氣會日以佻太古不可復遙遙正始音嗣響一言足發
爲當代珍元精耿心目世教明所宗餘風代能續如何
麟鳳膠翻爲集弦辱

大淵有靈源真脈自可永晉陵一家言道脈何嚴整班
四照堂詩集卷十二鄂中

昭與左芬聲華今未冷畫中比屋居振響天下騁悠悠
丈夫行鬚眉抑何幸

爲文如爲醫公精醫學理脈究所細沈鬱情自真特達味則

脆建安日已遙昌黎風亦墜千秋垂替人八代固其氣

巍巍餐楓館精光接靈慧令嗣若綺夫人著有
餐楓館文集行世

東山古調微清平雅音絕人間箏笛心細響亦何切鐵
版與銅琶高唱行雲遏滾滾東去波淘盡英雄血音容
不可聞空江弔明月

寄王孝鳳

軍山謀飲心遊計負黃鶴人事繫造物諸緣累牽縛如

何時會飛蛇山莽風惡落日弔廢址高情掃層閣諸軍
奏大功勝算空茲度河山有遷變窮通判時畧鐵笛不
可聞神仙意何託追維風月情空江怒濤作

寄吳小梁

夏口鸕鷹驕飛烽捲沙礫避地棲宜昌幽居感岑寂于
役軍山西往返漢江北博雅追吟朋謀詩遣靈魄與我
話時事奔勞極心力會將去西陵吾亦返赤壁遙遙七
百里世難別情迫去年收武昌相逢儻能覓那知分飛
久天荒難戢翼今年買舟來快晤成功山側撲去面上

塵笑展圖畫冊

曾屬題虎門觀海圖

近稿行就剛粗才老於客我

四照堂詩集

卷十二 鄂中

九

鬢歎如霜君鬚喜未白窮通各有緣樂趣要自適約賭
南樓尊慰比睽離感悵望江東雲鷓山日將夕

寄黃虎卿二首

解纜君已遙俶裝我將迫迢迢襄漢波日暮照人碧君
歸我未歸西江行泛宅訪舊吳城東看雨湖亭北樂事
堪尋幽離懷不可釋千里長林雲茫茫楚天白

掬月方塘流聽泉象山晚靜致生靈機閒吟發深遠餘
事懷高風長才見聽斷仁術及黎眾習化風則返如何
沙陽月笳聲送蘆管

君有聽笳圖

一夜將兵心秋沙劇籌轉

次韻答彭濟臣兼代東

車腹飽塵沙蠻方未有家如何故鄉月相對在天涯客
意酬春影歸心老髯華隴頭芳信斷誰寄一枝斜

寄彭雪琴廉訪江右

楚北分飛弔影孤三年垂翼在荻蒲荆山有地懷和璧
沙石何人問簡珠客裏湖亭新對月

君爲新葺望湖樓

天涯荆

棘舊埋途吳城轉戰乘機日看取霜鋒掃狄颺

閔王子乙卯闈墨贈王王秋

文物盛運會蓋代垂偉人天將毓俊才發藻揚清芬精
光耿星月八代追純真吾湘郭與黃並響輪風斤何論
吹劍首映映矜洪聞楚役羈身船莽蕩離岑垠

四照堂詩集

卷十二

鄂中

十

寄朱伯韓觀察兼代柬

五載天西振袂分亂離爲客老江濱愁邊夢繞關山月
畫裏詩空海國雲

曾題虎門觀海圖在九江火於賊

人肯沿湘尋舊雨

恩從策粵表前勲飛烽愧阻匡淦路慷慨憐才一序

焚

曾序四照堂拙詩

讀李梅生太史小芋香館遺集

鄂人不可作匠石空遺容巍巍五千言聲絕神則崇奇
光奪冷月太古來純風鳶魚愧隔世照影成孤蹤眾響
極鶯籟野鶴鳴難同如何擊節歌叩天傷我衷

四照堂詩集卷十二

四照堂詩集卷十三

湘潭譚溥仲牧

楚北古今體詩六十四首

懷顧子山觀察

青斷秋深曾賦別，牲麕夜湧蠻天月。仗劍輕收古鄂城，
奉義重過神色清。萬家荒日照園井，四更冷月空臺亭。
短衣匹馬萬殊入，千帳籌兵羽書急。和門三載送徒情，
殺機忍掃恒河劫。韜戈今日表勲猷，豸冠雄雀翠浮
鏡。歌聽唱陽春，曲琶板江東。眉綠樓君著有眉
綠樓詞集

梅掬海索畫蓮花

四照堂詩集

卷十三

鄂中

一

粗枝大葉似無情，塵世難逢咒鉢生。一種奇花感零落，
雨摧風折在蠻荆。

余旬甫索題扁舟下瀧圖

恠石老蠻秋輪困，枕惡流驚看千丈。水飛落下瀧舟客，
夢不可到窮荒。曾獨遊天南，憶犯險畫裏一回頭。

晤汪仙譜

燕北與廣南迢迢七千里，十載離別情相將。悵雲水月，
墜楓林青魂來莽。烽紫驚看應自疑，我髮未若此人事。
隨天時變更，不可擬滄海一覘中。田園感興，止何況垂
老期。桑榆決披靡，萬緣自非緣。達者見在子，楚天濡墨

意簡淡寄神理

時以自畫山水索題

登南樓寄懷羅仙舸

襄山何蒼茫，襄水亦悠悠。寸意觸瞻覽，縹緲登南樓。華屋恣初意，不及悲山邱。氣會成遷移，天地良懷憂。如何人間世，物理難相求。悵望西方人，日夕空夷由。

黃保三索題漢臯訪舊圖

湖風日夕下，隄柳蘭檠催。船踏波陡千，里連羣古漢陽。桃花笑領前，緣厚五載妖。星毒燄收江山，如夢感重遊。細草青青埋戰骨，冤風颭颭號松楸。使君經世心腸熱，楚澤哀鴻聲更切。中產恩望父母情，諸僚人是曹司傑。四照堂詩集卷十三鄂中 二

酒海詩天膽自豪，畫中清興何其高。我擬攀舟與良會。

同圖張執之王右星朱吉園孫毓卿諸人像

四更冷月吹蓬蒿

贈李香雪

元明萬古垂靈覆，達天者誰築天漏。南方煉石空媯皇，待補不得成圓光。大奇君自識西顧，楚國破敗材難量。何況汨羅江底醒，魂長在無復喚起靈均。再世生沅湘，岷山何皚皚。秋雪橫太始，狂飈萬里吹入方城東。決背冷艷傷吾視，奇光萬丈那可消。照影直逼南樓高，我腹忽欲裂我心。胡爲焦刺我戟我恍若白晝戈，尋交鰈生寸鐵詎堪恃。恃空向天涯，抵弧矢。相期東下收降旌，拔堅

壘百戰登場挺鞭弭筆陣况掃千人軍詞鋒可迴三峽
水吁嗟唏玉魚沈金盃碎蜀鏡之存天未昧

君有蜀鏡傳奇三十

二待取寶仙九室幽光開千秋擗管傳奇來君不見日

夕黃蒿捲林窟古鬼啾啾泣殘月復不見破空冷雨翻

鼉宮夜深跋浪號秋風膽氣大如斗精力適如龍我竟

退避輪神鋒願化飛雲相從踏天去九洲八極追仙蹤

懷彭笛仙

往復長沙道三年未識君相思照圖畫海色下奇文

虎門

觀海圖會承寄題青斷尋詩在新隄得友聞萍蹤何日定我自

要離羣

四照堂詩集卷十三 鄂中

二二

晤王子章

楚天攬勝情萬殊極吾快風人不可作元方我心佩季

方亦能吟世教振風會餘子行寄閣解纜自有地未免

離於岑虛舟苦難繫日夕造吾寓開軒識道氣牽滕四

年客聽壁幾人異鄂上相逢初髮鬚用可嘅

乞王右星索其夫人畫白牡丹

鉛華如夢本難真老去拈題別作春千古臨芳殿前月

有誰來畫雪夫人

腕底香風拂袖生瑤臺飛影下仙塵人閒自有清平福

魏紫姚黃不算春

落星墩

滄桑自有變世事不可度莫問南州星人間幾時落

遊秀峰寺四首

白日黯奇青山高塞渺冥撥雲尋古寺

即古開先寺

飛磬落

孤亭石徑蟠松短懸巖表埵靈冠烽流毒地宸翰耀

金經

空月和尙見示聖祖仁皇帝金書波羅蜜多心經

三百匡廬寺無從覓遠公疎鍾帶斜日流影出溪東短

夢迷芳草名山冷故宮當年散花處七佛一樓空

帶雨泉聲碎禪關盡日聞坐看千丈瀑飛落萬重雲紫

笋穿蓮座青苔蝕梵文佛塲誰選勝鸞鳳自成羣

四照堂詩集卷十三

西江

四

山氣逼燈寒僧衣怯夜單吹窗過奇雨和月瀉奔湍祝

髮禪心短神姦詭畫寬

寺藏明製十八地獄圖

西天問真諦何處

著蒲團

龍潭

空山薄暮飛寒飈潭上悄立陰風號逼人腥氣吹潛蛟

破空莽雨何蕭蕭迸泉飛落黃崖高奇光白亘層雲霄

紆曲數里來源遙陡然瀉下前潭坳斜湍溜石殊雄豪

力徹水底聲刁騷後潭逾急聲逾嘈激石錯雜珍珠跳

噴薄倒吹秋雪飄我來赤腳沿潭臯散髮冒雨行弄潮

玻璃碧色明秋臺詩脾久待瓊漿澆淨綠忍吐澄波消

深極影到吳天搖星月一掬盈短瓢毒龍晝伏將無逃
腰橫三尺青蛇驕安禪欲鎮名山椒匡廬採藥神仙招
彭雪琴命 菖蒲九節花茸嬌明當結屋臨清瀟東山李
採菖蒲

白追仙標洗耳濯足堪吾曹蘇髯極賞誰相撩漱玉
摩崖 不足窮泉膏我將搖筆翻雲濤
東坡

西陽橋

涼風穿樹帶雲飛山寺鐘殘做竹扉橋外有人閒看鶴
松陰扶杖倚斜暉

古萬杉寺

泉聲如雨散雲濤萬樹秋杉落日高古寺空山人入定
四照堂詩集卷十三 西江 五
夜深殘月吼蒲牢

白鹿洞

山雨併泉奔環溪遡道源詩仙騎鹿去石屋倚巖存秋
冷青松色雲深古洞門故人探勝處爪跡認泥痕

望廬山黃崖瀑布

廬山山高高插天黃崖乃在廬山巔上有瀑布千丈懸
雲端飛墮知何源白光一道明開先有時吹斷風力堅
半崖影散成秋煙頃忽噴落聲逾喧如倒碧漢之狂瀾
其下莫測歸何淵到地尙隔峯萬千三日坐看開禪軒
大叫拔座神魂顛千秋我自留奇緣後我者誰泉弗言

山中築室無青蓮萬松巢雪空詩仙

登望湖樓

昨覽開先巖上瀑今登新建

地名

湖遠樓千里攜朋覓清

賞風日坐領吳天秋河源東向合鄱水山勢北轉迴江

流就中望湖者誰子迷天一片湖光紫看取西江戰血

痕三年無地收弧矢短衣匹馬西拔征將軍九死迴一

生

謂彭雪琴

賊燄秋銷建雲黑劍光夜閃吳山明真君昔擅

斬蛟略吳許不足誇天兵我忍掀鬚展雄盼澤國磬磬

響鴻雁回首承平二百年蒼黎無夢罹危難烟水茫茫

何限情吳城落日空朱費招手神仙問長策殺運可洗

四照堂詩集

卷十三

西江

六

湖波清吉安撫建尙多故東南半壁埋妖霧鐵膽堪追

飛將才

謂李次青觀察

木牛久阻苴糧路回天誰挽魯陽戈甲

問于思棄則那三嘆凭欄照湖月莽風八極吹長波

登吳山有感

楚客久無侶吳城山亦孤四顧湖天遙獨峙峰峻虛振

築俯秋影眺聽將愁余西風何蕭蕭落日鳴菰蒲寒飈

震鬼雨碧燐吹窮閭五載靖越寇陰靈在邱墟殺機闖

奸宄浩劫收螫弧天將成將才

謂曾滌生侍郎

頗牧今豈無匡

溢喜聞捷

時楊厚菴李迪菴彭雪琴諸軍收九江

撫吉猶多虞桓桓扼諸

將療飢徒補苴翹望東南征搔首一長吁

過鄱陽湖

高閣西風落照黃倦遊移棹下鄱陽夜帆衝月水聲大
湖氣燭天秋影長徐穉有家談稼穡庚桑無地老沅湘
隻身飄泊干戈際忍弔陽明舊戰場

龍女井

天地一坎窞我生將奈何茫茫千萬年古井今無波
妄心固有待姝靈長不磨倚檻見清影仙風明素波

題畫羅漢像

佛海何茫茫西天固有哢一葦垂真源七葉負靈幹妙
性明皈依阿誰追可粲笑領畫中禪吾將師羅漢

四照堂詩集

卷十三

西江

七

題畫

姹紫嫣紅極斬新六朝金粉問誰真莊周笑覺南華夢
蝴蝶紛紛在錦茵

吳城弔葉景恩二首

并序

景恩新建人居吳城有俠骨宸濠脅降之反以
不從死獄中其弟景允率三百眾伏吳城俟濠
至而擊之不敵一家四十九人死焚於室

一人之俠難迴天眾弟之俠將胡全宸濠宸濠王室藩
乃作難吞民冤脅降自有勢草莽臣心堅

吳城日夕號悲風四山浙瀝吹秋蓬中有熱血流腥紅

賊火何縱橫浩劫乃復爾四十九人同窟死

葉烈女

並序

烈女名九仙景恩女正德中宸濠之難兵至吳城賊眾擄獻濠色固美也欲以爲妃女厲聲曰逆賊不納妃諫乃負國家厚恩何敢污我強逼至舟中赴水死

鬚眉無丈夫巾幗有丈夫九仙不可辱宸濠終待誅婁妃庶人妻水國同捐軀吳山女貞木白日冤風粗

題彭雪琴方伯望湖亭畫梅

書生膽氣盤雲下破壁橫斜寫蒼楮萬花如雪洒空枝

四照堂詩集

卷十三

西江

八

奇光一夜搖亭瓦勢孤爭拔吳山高香暗遄飛蠡湖左心腸舊擅廣平鐵詩詠新開白傅社我來日暮重登樓樓上見梅神色幽因花儻憶石鼓月昨夢可轉湘東秋將軍下筆何靈異畫中早注經營意幾回運墨如籌兵四索鑽天還拔地高處回頭眼倍明花中真見使君清好把初心繫調燮他年一證和羹情

蔡芥舟索畫山水

十年曾看粵中山畫裏煙雲自往還笑指羅浮今夜月可飛清夢到鄉關

遊螺墩清華寺水漲不得入

江漲逼螺墩清華失寺門水如昨夜夢人隔小遊魂帶
雨殘鍾隱和雲古蔭屯空山黯風日何處近黃昏

過滕王閣廢址有感

子安昔覲省風順馬當來我篤巖親感天荒賦閣才西
山愁送影清宴座空杯惆悵滕王去何人弔草萊

蔡璞齋索題松陰放鶴圖

天地一樊籠人生苦羈縲物爲離垢姿太始表仙鶴蔡
君亦軒翥戢羽安所託西吳避寇心顛毛日以薄風骨
老未摧清癯氣自若畫中寄閒情松陰發舞閣霜翎何
翩翩虬雲際寥廓吁嗟鶉鷄羣羅網不可度

四照堂詩集

卷十三

西江

九

次韻題魏召亭倚樹聽流泉圖

馬首日將東萑苻計掃空聊乘在山意用補聽泉功時
事餘身外浮榮等畫中漫尋行樂地湖澤有哀鴻

晤蕭輔丞觀察

襄漢歧途別匡湓訪舊來醉招千里月狂對五更杯事
判窮通畧天憐草澤才將軍收戰地中產切民哀

鄱陽湖

落日守狂飈姑山白浪搖飛來孤墜影飄墮小吳船暮
雨生長薄秋虹立斷橋不堪征戰地三載夜聞刁

謂彭雪琴

次韻酬蔡璞齋見贈

三載離鄉社梁園悵墮攀未知今老宿猶作舊歡顏
滄浦天涯月杼槎夢裡山皖西兵未靖輪鐵幾時還

潯陽凱會圖爲李迪菴彭雪琴揚厚庵作

指揮若定洗匡溢執銳披堅帶血痕虎將喝圍奔月墮
鴉軍飛戰莽風吞三年計失吳江火九地冤鳴烈士魂
此日韜戈新會凱人牛消息杳荒村

第六句謂塔軍門

題彭雪琴畫梅爲黃會卿作

花竟奇於我量才詎有權羅浮今夜月人在鐵橋邊影
瘦難追夢香清欲化烟輸君接林意相對聳吟肩

感懷答友人

四照堂詩集

卷十三

西江

十

千里未歸去西吳老髯霜湖天一夜雨有客夢瀟湘知
已難言命終窮不廢狂與君橫劍地三尺有奇光

畫梅爲友人作

一夜吳天雪梅州何處家未知林下月可憶蓼東花似
我骨應傲論奇影最斜世情今未冷君自飲流霞

時爲設色

觀丁燕山軍門圍棋

人事機心別異同獨將生殺補奇功英雄與世論成敗
都在將軍一局中

登石鐘山謁昭忠祠

空庭吹雨過靈飈日暮愁雲黯寂寥諸將初心拌死戰

鬼雄殘骨慰魂招迴天偉績垂廬岳卷地悲風咽蠡潮
聖代及恩頒祀典千秋遺廟此山椒

題畫梅寄李淑芸

片帆昨自石鍾別聞道小姑花正開今夜空山一輪月
故人清夢儻飛來

呈胡澗芝宮保

決策收狼鋒奇功照荆楚佐君心則誠衛民情亦溥薄
稅古有制滌弊周官無改程及氏細民命于以蘇租賦
判兩則變計楊炎始射利爭吏機閭閻受深累十倍踰
正供漕胥肆蜂蟻毒國如虎狼磨牙飢民髓遙遙數百
四照堂詩集卷十三鄂中
七
年積害類如此大臣籌世心慷慨易時艱因地量徵收
立法鋤羣奸黔黎久塗炭祗席今乃安楚山鬱青青楚
水迴狂瀾雞鳴與犬吠白日人牛閒用補食貨傳千秋
垂大恩

次韻答汪韻和見贈

扶輿清氣一團開萬縷情絲費剪裁並世有情堪寄傲
埋愁無地枉生才君年鏡裏朱顏在我老天涯白髮催
眺聽何當引杯勝醉招黃鶴踏雲來

晤王孝鳳次韻二首

離亂別愁劇相思何處邊尋山入樊口飛夢落樽前樹

拔虬龍僊雲盤野鶴還此閒非避地籌世一悽然

狐鼠縱橫地連年掃未平民孱空憤賊將智敢援兵憂

國臣心赤叅謀義膽明窮通亦何限忻聽凱歌聲

時收九江

張仲遠觀察屬題其姊婉紉夫人綠槐書屋肄書

圖二首 并序

夫人爲張宛隣公第四女公官館陶令時授以

書法夫人獨得其傳故繪此圖今距公之卒已

二十五年矣觀察命爲之詩因有感焉

授業陶山下趨庭老宿尊畫中一螺墨應照舊啼痕家

學原前古師親接秘論鍾王有高第

謂王潤香笛香諸女史

不負

四照堂詩集

卷十三

鄂中

三

衛華存

溥亦知書者將椎苦畫沙八鋒新照影一格舊篔花時

藝娛織彩蠻箋綴綺霞夫人真見到銀兔洗鉛華

上官秀峰宮保二首

三楚雄風復古初探丸放溜大好除五年鄂道填戎服

一夕 甘泉奏捷書天下豈無盤馬地隆中真有卧龍

居賣刀買犢沿村在爭拜新恩及里閭

天教海岳護精神風度居然古大臣劍氣夜橫三尺雪

心光早淨六根塵奇謀炎嶠銘 恩舊餘事成山賭韻

新 謂宮保丙辰九日登成功山詩

此日萬家生佛影勳名千載畫麒麟

送黃筍林

久客豈無謂鄂州空自歸孤帆一夜月遙向洞庭飛才
膽盤雲陡精光奪劍輝沅湘六千卷應不負文機

張仲遠見示棣華館詩課題詞二首

長官經世多餘事交海波濤振古初分與衙齋一輪月

夜窗閒課女相如

謂令女甥澗香筍香筠香綠
香女公子儷之侍女紫哇

巾幗論才有幾人一家姻舊集羣英棣華深處連吟日
千古香風迺女貞

遊廬山歸宗寺弔迦陵和尚

鐵堦無根表碧穹山高真面在雲中崖邊冷雨侵禪座

四照堂詩集

卷十三 鄂中

三

樹杪飛泉落院桐古寺荒庭鍾乳斷殘碑衰草 御亭

空迦陵去後誰請道惆悵東墻畫壁紅

和尚畫竹於
壁並記皆佳

陶柚溪寮畫梅題贈

極墨恣蹤橫花光舞雪明有香迴北渚無夢補南衡筍
裏難尋影樓中誰寄情將軍止戈日膽氣似梅清

郭莢生索畫梅寄題二首

久別沅湘十萬山歸心無夢補刀環劇憐瘦骨寒如許
獨向天涯索笑顏

鄂州來去蹤無定小別相思感昔緣一夜江城何處笛

梅花吹落古潯川

胡太夫人輓詞二首

武清蔽桂撼靈柯翹首媮星黯絳河一品 詰褒天上

命九歌聲徹洞庭波時令嗣宮保潤芝扶欄歸里身從掄狄懷清儉

天許期頤養太和此日 臨軒展哀疏 聖恩歸朋及

榮多

八座扶騶敞畫輪起居親奉太夫人軍勞與筆籌吳將

疾苦關心問楚民疇範已全天下福家風曾守 玉堂

貧鄂中悲慟沿村在不獨同官涕淚新

顧子山廉訪見示辛侯公子畫山水

南來新泛米家船餘事丹青手澤傳故國金焦沈噩霧

四照堂詩集 卷十三 鄂中 十四

漢陽江樹補秋烟伯牙舊掃琴臺夢叔偉空招鶴背仙

安得清遊撫絃坐眾山分響入蠻天

四照堂詩集卷十三 二首

